

重刊道藏輯要

太上金匱玉鏡修真指玄妙經

太上道君於上清玉虛洞紫霄林中與諸天仙眾三界真官俱在會坐說此修真指玄真經告仙眾曰下方眾生不知正道作諸罪障沉沒無邊造罪者不知洗滌修養者全乖正道是致惡道盈塗生門絕跡吾今爲汝宣說要言直剖立元之旨付傳清信之流修身保命安國甯家行滿功成身超三界昇拔根祖慶延子孫祕典靈章宜加諦聽

道君曰天地絪縕萬物化醇承其宿業因緣運會父母和合人受其生胎完炁足虛中降神太乙居腦以鎮泥丸司命處心以

道藏輯要

修真指玄妙經

一 房集五

納生源左居无英右結白元三真九宮布列俱全肝魂肺魄脾志腎精心主藏神丹元守靈法天象地負陰抱陽分錯五行以應四時眼爲日月髮爲星辰眉號華蓋頭卽崑崙各有宮闕安置精神萬物之中最貴而靈命生於道性稟於一物生之時神乎清靜泊乎樸散逐妄耗真不淨臭穢濁亂形神靜觀物我何疎何親守道全生爲善保真愚役於物徒自苦辛吾敷正教惟勗賢英勤尋旨趣曰煉時烹能除罪垢可以延齡上超三界下拔幽冥誦持禮念無退前程功成行就必證長生

道言心爲形主神所居焉炁液血精心安自治其政悶悶其民漙漙其政察察其民缺缺養心之道慎於多事傲不可長欲不

可從志不可滿樂不可極罪莫大於可欲禍莫大於不知足若能安分止貪虛心遣欲則真源湛然靈光自瑩无思无爲漸合真道矣

道言炁以形載形以炁充形完則炁留炁和則形保天地以清濁爲質非炁不足以運陰陽日月以明暗分形非炁不足以交魂魄眾植彫殘獨松栢之常茂者炁堅也羣動滅寂惟龜鶴之不悴者炁住也形爲留炁之舍炁是保形之符欲留形住世必先養炁至大至剛充塞乎天地之間炁聚炁靈遨遊乎風塵之外故知炁在人中人在炁中天地萬物莫不由炁以生者也善養炁者內以養身外以卻惡百姓日用而不知焉知之修鍊默

道藏輯要

修真指玄妙經

二

房集五

而成之可救饑寒可辟邪癘惡蟲毒物炁能禁之萬法千術惟炁是祖養炁之道要在慎言節食慾忿窒欲塞其兌閉其門綿綿若存用之不勤養形之道要在挫銳和光治於未亂安而不勞勞而不乏其力靜而不撓撓而不亂其炁外有所補內有所益養形保炁於斯備矣

道言形炁具立當保精神造化之機在於是矣然精全則神王精耗則神衰以精集神而神保以神使形而形安腎爲精府太用則竭專而嗇之可也心爲神舍太用則勞靜而養之可也惟靜與專乃可內守故曰至道之真杳杳冥冥至道之極昏昏默默無視無聽抱神以靜形將自正必靜必清無勞汝形無搖汝

精少私寡慾乃可長生

道言法本無法理歸自然心因境亂法本心生立法之意救補已失而防於未萌若人犯破三奇卽先補治補之完備乃可進功不完而進徒勞無益補治之法混元具說其玄程功之方靈寶畢言其妙前功見驗可進次功功滿成真高卑隨行有功無行魔障難成有行持功仙真自舉善功圓滿以降吉祥性旁修行明分等級欲求天仙者當立一千三百善欲求地仙者當立三百善是道則進非道則退不履邪徑不欺闇室積行累功慈心於物忠孝友睦正己化人矜孤恤寡敬老懷幼昆蟲草木亦不可傷如此所謂善人人皆敬之天道祐之福祿隨之眾邪遠之道藏輯要

修真指玄妙經

三

房集五
又川六

之所作必成神仙可冀矣

道言夫欲修道先須停除停者一物不生除者萬緣俱息然後收神炁海藏息丹田成性存真元然泰定如此久之則自己元始天尊晏寂於空玄之座三萬六千神祇咸朝於寶珠之中夫如是則二景合炁交神於十華之鼎男女傾心構精於五炁之爐以至移精彰音變氣嘯張於玄牝之門專炁抱神烹鍊於雄雌之器自然髮白返黑齒落重生還童復嬰長生久視全命保生以合於道當與天地齊其堅固同長久矣

道言夫學道之士立德立功聚氣坐忘修真服御宣經演教佐國度人種種皆修是其行業以行雖備果業雖圓亦須先度九

玄七祖父母亡靈遷拔生天鬼錄盡除身方得追况復世界流俗之人造惡積愆殃及根祖吾今悲愍宣說要言薦拔冥魂須憑功德可於三清像側裝衣亡人形像如法書九真妙印令彼亡人卷而載之卽禮此經懺一日三部如不能懺每日志心持念尋聲救苦天尊三千遍凡百遍訖禮九拜卽云願度某人魂神早離幽陰超昇天界罪輕者三日得度罪重者九日遷昇孝順男女切宜哀懇至心禮聖


道藏輯要

修真指玄妙經


四

房集五

志心敬禮虛无自然元始天尊



志心敬禮太上帝王晨道君




道藏輯要

修真指玄妙經


五

房集五

志心敬禮太上玄元聖祖老君



志心敬禮傾心合道靈寶天尊




道藏輯要

修真指玄妙經

六

房集五

志心敬禮淨念修真靈寶天尊



志心敬禮懺除惡跡靈寶天尊

志心敬禮懺除惡跡靈寶天尊

道藏輯要

修真指玄妙經


七

房集五

志心敬禮得離罪障靈寶天尊

志心敬禮得離罪障靈寶天尊

志心敬禮拔苦消障靈寶天尊




道藏輯要

修真指玄妙經

八

房集五
冊上

志心敬禮拯濟幽冥靈寶天尊



志心敬禮消滅苦輪靈寶天尊

志心敬禮消滅苦輪靈寶天尊

道藏輯要

修真指玄妙經


九

房集五

志心敬禮拯拔九幽靈寶天尊

志心敬禮拯拔九幽靈寶天尊

志心敬禮超昇五道靈寶天尊




道藏輯要

修真指玄妙經


十

房集五
卅三

志心敬禮大慈大悲救苦真人



志心敬禮大慈大悲大惠真人




道藏輯要

修真指玄妙經


上

房集五

志心敬禮大慈大悲拔罪真人



志心敬禮大慈大悲普救真人



道藏輯要

修真指玄妙經

上

房集五

禮竟恢誠恭伸懺悔弟子臣某甲自念謬處人寰叨逢正化感天地覆載之恩荷日月照臨之德復思父母根宗生成養育念彼劬勞之大誠當薦拔之酬今對

聖真傾心懇禱伏願億曾萬祖亡過諸靈生前積劫之愆盡蒙原赦見沒淪漂之苦咸乞逍遙頓釋冤沉逐慧光而昇度遽登玄岸承符命以朝真永離輪迴同生長樂天氣歸身常蒙道蔭臣無任哀誠懇禱之至

道言清信男女薦亡祝生請福禳災切宜嚴謹香湯齋沐專意傾心禮誦

真經稱揚

聖號精誠兼備必獲感通濟度存亡殃消福至若不恭不謹性
惑心疑腥膻葷色不可開經杏口磨唇汚干

聖典徒勞無益又返招殃所謂修福不如避罪也若能書印此
經散施學人流傳禮誦亡魂超度地獄甯閑福善所資度延後
世其有珍玩服飾平昔資財廣施寒棲濟恤貧乏此之功德亦
類於前黑籍落名地司除簡神昇淨土隨願往生利祐子孫斷
絕殃疰巍巍福善難可稱量是故應當勤心諦受宣行禮念普
度無窮依

教奉持復當敬禮

一切天尊


道藏輯要

修真指玄妙經

三

房集五
一〇川

志心敬禮虛无自然元始天尊



志心敬禮太上大道玉晨道君

志心敬禮太上大道玉晨道君

道藏輯要

修真指玄妙經


西

房集五
卅文

志心敬禮太上玄元聖祖老君

志心敬禮太上玄元聖祖老君

志心敬禮常善救物天尊



道藏輯要

修真指玄妙經


五

房集五

志心敬禮無量度人天尊



志心敬禮拯迷拔滯天尊




道藏輯要

修真指玄妙經


六

房集五

志心敬禮玄化利生天尊



志心敬禮金闕濟度天尊




道藏輯要

修真指玄妙經


七

房集五

志心敬禮無礙自在天尊



志心敬禮愍生利物天尊




道藏輯要

修真指玄妙經


六

房集五

志心敬禮巨功弘濟天尊



志心敬禮雨寶濟乏天尊




道藏輯要

修真指玄妙經


五

房集五
卅八

志心敬禮超度无極天尊



志心敬禮愛物救世天尊




道藏輯要

修真指玄妙經


辛

房集五
卅八

志心敬禮功德无量天尊



志心敬禮迴尸起骨天尊




道藏輯要

修真指玄妙經


三

房集五

志心敬禮煉質登真天尊



志心敬禮玄元闡教天尊




道藏輯要

修真指玄妙經

三

房集五
卅上

志心敬禮道德度人天尊



志心敬禮消災延壽天尊




道藏輯要

修真指玄妙經


三

房集五
冊上

志心敬禮宥福續命真人



志心敬禮真靜圓功真人




道藏輯要

修真指玄妙經

卷

房集五

志心敬禮修真成道真人



禮竟恢誠恭伸禱謝弟子_臣某甲

伏聞行成之內孝敬爲先教法之中修齋是本欲報慈親之德
須思禱祝之方將酬罔極之恩是列嚴持之供大凡人世俱逼
名利爲端既懷取捨之謀甯免貪癡之咎致使命辭一世魂寄
九幽敢憑上善之因庶拔漂沉之苦是則心存哀懇志薦先亡
宣金匱之靈章仰祈眞聖禮

高虛之御號俯答根宗伏願承斯

道力廣濟沉淪滅無量之罪尤均開長夜賜大天之鴻宥普及
羣生億曾萬祖俱獲遂於飛昇積債疊冤並乞蒙於超適伏冀
居家長幼眷屬親姻常沾吉慶之祈永荷虛无之蔭_臣无任瞻

道藏輯要

修真指玄妙經

二五

房集五

天望

聖激切屏營之至

道言玄經周畢可以傳教世間廣垂濟度爾時會眾聞此法緣
洞達無爲齊昇道果酆幽諸獄无量罪魂俱獲善功應時解脫
諸天仙眾歡喜敬奉作禮而退